



詩所第二十一卷

五言古詩

贈婦

二首嘉為上郡掾妻徐淑寢疾還家不獲面別作此留贈

漢秦嘉

人生譬朝露居世多屯蹇憂艱常早至歡會常苦晚念
當奉時役去爾日遙遠遣車迎子還空往復空返省書
情悽愴臨食不能飯獨坐空房中誰與相勸勉長夜不
能眠伏枕獨展轉憂來如循環匪席不可卷

皇靈無私親為善荷天祿傷我與爾身少小罹糶獨既
得結大義歡樂苦不足念當遠離別思念敘欵曲河廣
無舟梁道近隔丘陸臨路懷惆悵中駕正躑躅浮雲起
高山悲風激深谷良馬不迴鞍輕車不轉轂鍼藥可屢



進愁思難爲數貞士篤終始恩義不可促

肅肅僕夫征鏘鏘揚和鈴清晨當引邁束帶待雞鳴顧

看空室中髣髴想姿形一別懷萬恨起坐爲不寧何用

敘我心遺思致款誠寶釵好耀首明鏡可鑒形芳香去

垢穢素琴有清聲詩人感木瓜乃欲答瑤瓊愧彼贈我

厚慙此往物輕雖知未足報費用敘我情

贈白馬王彪

四年正月余與白馬任城俱朝京師到洛陽任城薨至七月與白馬還國

有司以二王歸藩道路宜異宿止意毒恨之憤而成詩七篇

魏陳思王植

謁帝承明廬逝將歸舊疆清晨發皇邑日夕過首陽伊

洛廣

一作曠

且深欲濟川無梁汎舟越洪濤怨彼東路長

顧瞻戀城闕引領情內傷

一至我馬玄以黃爲一首

太谷何寥廓山樹鬱蒼蒼霖雨泥我塗流潦浩縱橫中

逵絕無軌改轍登高岡修坂造雲日我馬玄以黃

玄黃猶能進我思鬱以紆鬱紆將何念親愛在離居本

圖相與偕中更不克俱鳴臬鳴衡軛豺狼當路衢蒼蠅

間白黑讒巧反

一作令

親踈欲還絕無蹊攬轡止踟躕

踟躕亦何留相思無終極秋風發微涼寒蟬鳴我側原

野何蕭條白日忽西匿歸鳥赴喬林翩翩厲羽翼孤獸

走索羣銜草不遑食感物傷我懷撫心長太

一作歎

太息將何爲天命與我違奈何念同生一往形不歸孤

五言古詩 卷二十一
魂翔故域靈柩寄京師存者忽復一作過亡沒身自衰
人生處一世去若朝露晞年在桑榆間影響不能追自
顧非金石咄咄一作令心悲

心悲動我神棄置莫復陳丈夫志四海萬里猶比隣恩
愛苟不虧在遠分日親何必同衾幃然後展殷勤憂思
成疾疢無乃兒女仁倉卒骨肉情能不懷苦辛

苦辛何慮思天命信可疑虛無求列仙松子久吾欺變
故在斯須百年誰能持離別永無會執手將何時王其
愛玉體俱享黃髮期收淚即長路一作援筆從此辭

答東阿王

白馬王彪

盤經難懷抱停駕與君訣即車登北路永歎尋先轍

贈徐幹

驚風飄白日忽然歸西山圓景光未滿衆星燦以繁志
士營世業小人亦不閒聊且夜行游游彼雙闕間文昌
鬱雲興迎風高中天春鳩鳴飛棟流焱激櫺軒顧念蓬
室士貧賤誠足憐薇藿弗克虛皮褐猶不全慷慨有悲
心興文自成篇寶棄怨何人和氏有其愆彈冠俟知己
知己誰不然良田無晚歲膏澤多豐年亮懷璠璵美積
久德愈宣親交義在敦申章復何言

贈丁翼

嘉賓填城闕豐膳出中厨吾與二三子曲宴此城隅秦
箏發西氣齊瑟揚東謳肴來不虛歸觴至反無餘我豈
狎異人朋友與我俱大國多良材譬海出明珠君子義
休倚小人德無儲積善有餘慶榮枯立可須滔蕩固大
節時俗多所拘君子通大道無願爲世儒

贈丁儀

一云與都亭侯丁翼

初秋涼氣發庭樹微銷落凝霜依玉除清風飄飛閣朝
雲不歸山霖雨成川澤黍稷委疇隴農夫安所穫在貴
多忘賤爲恩誰能博狐白足禦冬焉念無衣客思慕延
陵子寶劍非所惜子其寧爾心親交義不薄

贈王粲

端坐苦愁思攬衣起西游樹木發春華清池激長流中
有孤鴛鴦哀鳴求匹儔我願執此鳥惜哉無輕舟欲歸
忘故道顧望但懷愁悲風鳴我側義和逝不留重陰潤
萬物何懼澤不周誰令君多念自使懷百憂

又贈丁儀王粲

從軍度函谷驅馬過西京山岑高無極涇渭揚濁清壯
哉帝王居住佳麗殊百城員闕出浮雲承露槩泰清皇佐
揚天惠四海無交兵權家雖愛勝全國爲令名君子在
末位不能歌德聲丁生怨在朝王子歡自營歡怨非貞

則中和誠可經

贈徐幹

劉楨

誰謂相去遠隔此西掖垣拘限清切禁中情無由宣思
子沈心曲長歎不能言起坐失次第一日三四遷步出
北寺門遙望西苑園細柳夾道生方塘含清源輕葉隨
風轉飛鳥何翻翻垂人易感動涕下與衿連仰視白日
允皦皦高且懸兼燭八紘內物類無頗偏我獨抱深感
不得與比焉

答劉公幹

徐幹

與子別無幾所經未一句我思一何篤其愁如三春雖

路在咫尺難涉如九關陶陶諸夏別草木昌且繁

贈五官中郎將

四首

劉楨

昔我從元后整駕至南鄉過彼豐沛都與君共翱翔四
節相推斥季冬風且涼衆賓會廣坐明鐙熇炎炎清歌
製妙聲萬舞在中堂金壘含甘醴羽觴行無方長夜忘
歸來聊且爲太康四牡向路馳歡悅誠未央

余嬰沈痼疾竄身清漳濱自夏涉玄冬彌曠十餘旬常
恐游岱宗不復見故人所親一何篤步趾慰我身清談
同日夕情盼敘憂勤便復爲別辭遊車歸西鄰素葉隨
風起廣路揚埃塵逝者如流水哀此遂離分追問何時

五言古詩 卷二十一 五
會要我以陽春望慕結不解貽爾新詩文勉哉修令德
北面自寵珍

秋日多悲懷感慨以長歎終夜不寢敘意於濡翰明
燈曜閨中清風淒已寒白露塗前庭應門重其關四節
相推斥歲月忽欲殫壯士遠出征戎事將獨難涕泣灑
衣裳能不懷所歡

涼風吹沙礫霜氣何皚皚明月照緹幕華燈散炎輝賦
詩連篇章極夜不知歸君侯多壯思文雅縱橫飛小臣
信頑鹵儂安能追

贈從弟

三首

汎汎東流水磷磷水中石蘋藻生其涯華葉紛擾溺采
之薦宗廟可以羞嘉客豈無園中葵懿此出深澤
亭亭山上松瑟瑟谷中風風聲一何盛松枝一何勁冰
霜正慘悽終歲常端正豈不罹凝寒松柏有本性
鳳凰集南嶽徘徊孤竹根於心有不厭奮翅凌紫氛豈
不常勤苦羞與黃雀羣何時當來儀將須聖明君

贈毋丘儉

二首

杜摯

騏驥馬不試婆娑槽櫪間壯士志未伸坎軻多辛酸伊
摯爲勝臣呂望身操竿夷吾困商販甯戚對牛歎食其
處監門淮陰飢不餐買臣老負薪妻叛呼不還釋之宦

十年位不增故官才非八子倫而與齊其患無知不在
此袁盎未有言被此萬病久榮衛動不安聞有韓衆藥
信來給一丸

鵠飛舉萬里一飛翀昊蒼翔高志難得離鴻失所望

答杜摯

毋丘儉

鳳鳥翔京邑哀鳴有所思才爲聖世出德音何不怡八
子未際遇今者遭明時胡康出壠畝楊偉無根基飛騰
沖雲天奮迅協光熙駿驥骨法異伯樂觀知之但當養
羽翮鴻舉必有期體無纖微疾安用問良醫聯翩輕栖
集還爲燕雀嗤韓衆藥雖良恐便不能治悠悠千里情

薄言答嘉詩信心感諸中中賞不在辭

體無二句疑在聯翩二句下

贈兄秀才穆入軍

嵇康

雙鸞匿景曜戢翼太山崖抗首漱朝露晞陽振羽儀長
鳴戲雲中時下息蘭池自謂絕塵埃終始永不虧何意
世多艱虞人來我疑雲網塞四區高羅正參差奮迅勢
不便六翮無所施隱姿就長纓卒爲時所羈單雄翻孤
逝哀吟傷生離徘徊戀儔侶慷慨高山陂鳥盡良弓藏
謀極身心危吉凶雖在已世路多嶮巇安得反初服抱
玉寶六奇逍遙遊太清携手長相隨

單雄翻孤逝一作單雌翻獨遊

贈稽康

二首

郭遐周

吾無佐世才時俗不可量歸我北山阿逍遙以倡佯同
氣自相求虎嘯谷風涼惟予與嵇生未面分好章古人
美傾蓋方此何不臧援筆執鳴琴携手遊空房棲遲衡
門下何願於姬姜予心好永年年永懷樂康我友不期
卒改計適他方巖東感發日翻然將高翔離別在旦夕
惆悵以增傷

風人重離別行道猶遲遲宋玉哀登山臨水送將歸伊
此往昔事言之以增悲歎我與嵇生倏忽將永違俯察
淵魚遊仰觀雙鳥飛厲翼太清中徘徊於丹池欽哉得
其所令我心獨違言別在斯須怒焉如調饑

離別自古有人非比目魚君子不懷土豈更得安居四
海皆兄弟何患無彼妹巖穴隱傳說寒谷納白駒方各
以類聚物亦以羣殊所在有智賢何憂此不如所貴身
名存功烈在簡書歲時易過歷日月忽其除勗哉乎嵇
生敬德在慎軀

贈嵇康

郭遐叔

君子交有義不必常相從天地有明理遠近無異同三
仁不齊迹貴在等賢蹤衆鳥羣相追鷺鳥獨無雙何必
相响濡江海自可容願各保遐心有緣復來東

答二郭

三首

嵇康

天下悠悠者下京趨上京二郭懷不羣超然來北征樂道託萊廬雅志無所營良時邁其願遂結歡愛情君子義是親恩好篤平生寡志自生災屢使衆覺成豫子一作讓匿梁側聶政變其形顧此懷怛惕慮在苟自寧今當寄他域嚴駕不得停本圖終宴婉今更不克并二子贈嘉詩馥如幽蘭馨戀土思所親不知氣憤盈

昔蒙父兄祚少得離負荷因疏遂成懶寢蹟北山阿但願養性命終已靡有他良辰不我期當年值紛華坎壈趨世務常恐嬰網羅羲農邈已遠拊膺獨咨嗟朔戒貴尚容漁父好揚波雖逸亦已難非余心所嘉豈若翔區

外餐瓊漱朝霞遺物弃鄙累逍遙遊太和結友集靈嶽彈琴登清歌有能從此者古人豈足多

詳觀凌世務屯險多憂虞施報更相市大道匿不舒夷路值枳棘安步將焉如權智相傾奪名位不可居鸞鳳避尉羅遠託崑崙墟莊周悼靈龜越穆一作穆一作穆一作穆人存諸已隱璞樂玄虛功名何足殉乃欲列簡書所好亮若茲楊氏歎交衢去去從所志敢一作謝道不俱

贈摯仲治

晉張華

君子有逸志棲遲於一丘仰蔭高林茂俯臨淥水流恬淡養玄虛沈精研聖猷

王言古詩 卷二十一
贈何劭王濟

序曰朗陵公何敬祖咸之內兄國子祭酒王武子咸從姑之外孫也並以

明德見重於世咸親之重之情猶同生義則師友何公既登侍中武子俄而亦作二賢相得甚歡咸亦慶之然自恨闇劣雖願其縉綬而從之末由歷試無效且有家艱心存目替賦詩申懷以貽之云爾

傅咸

日月光太清列宿曜紫微赫赫大晉朝明明闕皇闈吾兄既鳳翔王子亦龍飛雙鸞遊蘭渚二離揚清暉攜手升玉階並坐侍丹帷金璫綴惠文煌煌發令姿斯榮非攸庶縉綬情所希豈不企高蹤麟趾邈難追臨川靡芳餌何爲守空坻槁葉待風飄逝將與君違違君能無戀尸素當言歸歸身蓬葦廬樂道以忘饑進則無云補退則恤其私但願隆弘美王度日清夷

贈山濤

司馬彪

若若椅桐樹寄生於南岳上凌青雲霓下臨千仞谷處身孤且危於何託余足昔也植朝陽傾枝俟鸞鷲今者絕世用倥偬見迫束班匠不我顧牙曠不我錄焉得成琴瑟何由揚妙曲冉冉三光馳逝者一何速中夜不能寐撫劔起躑躅感彼孔聖歎哀此年命促卞和潛幽冥誰能證奇璞冀願神龍來揚光以見燭

贈張華

何劭

四時更代謝懸象造卷舒暮春忽復來和風與節俱俯

臨清泉涌仰觀嘉木敷周旋我陋圃西瞻廣武廬既貴
不忘儉處有能存無鎮俗在簡約樹塞焉足摹在昔同
班司今者並園墟私願偕黃髮逍遙綜琴書舉爵茂陰
下攜手共躊躇奚用遺形骸忘筌在得魚

答何劭 三首

張華

吏道何其迫窘然坐自拘纓綬爲徽纆文憲焉可踰恬
曠苦不足煩促每有餘良朋貽新詩示我以游娛穆如
灑清風煥若春華敷自昔同寮案於今比園廬衰疾近
辱殆庶幾並懸輿散髮重陰下抱杖臨清渠屬耳聽鶯
鳴流目翫鯨魚從容養餘日取樂於桑榆

洪鈞陶萬類大塊稟羣生明闇信異姿靜躁亦殊形自
予及有識志不在功名虛恬竊所好文學少所經忝荷
既過任白日已西傾道長苦智短責重困才輕周任有
遺規其言明且清負乘爲我戒夕惕坐自驚是用感嘉
貺寫心出中誠發篇雖溫麗無乃違其情

駕言歸外庭放志永棲遲相伴步園疇春草鬱鬱滋榮
觀雖盈目親友莫與偕悟物增隆思結戀慕同儕援翰
屬新詩永歎有餘懷

贈弟士龍

陸機

行矣怨路長怒焉傷別促指途悲有餘臨觴歡不足我

若西流水子爲東峙岳慷慨逝言感徘徊居情育安得
攜手俱契濶成駢服

答兄平原

陸雲

悠悠塗可極別促怨會長銜思一作戀行邁興言在臨

觴南津有絕濟北渚無河梁神往同逝感形留悲參商
衡軌若殊迹牽牛非服箱

贈馮文羆二一首

陸機

昔與二三子游息承華南拊翼同枝條翻飛各異尋苟
無凌風翮徘徊守故林慷慨誰爲感願言懷所欽餐軫
清洛汭驅馬大河陰佇立望朔塗悠悠迥且深分索古

所悲志士多苦心悲情臨川結苦言隨風吟愧無雜佩
贈良訊代兼金夫子茂遠猷欵誠寄惠音
夙駕出東城送子臨江曲密席接同志羽觴飛鄗淥登
樓望峻陂時逝一何速

贈從兄車騎

孤獸思故藪離鳥悲舊林翩翩游宦子辛苦誰爲心髣
髴谷水陽婉變崑山陰營魄懷茲土精爽若飛沈寤寐
靡安豫願言思所欽感彼歸途艱使我怨慕深安得忘
歸草言樹背與襟斯言豈虛作思鳥有悲音

贈顧交趾公貞

五言古詩 卷二十一
顧侯體明德清風肅已邁發迹翼藩后改授撫南裔伐
鼓五額表揚旌萬里外遠績不辭小立德不在大高山
安足凌巨海猶縈帶惆悵瞻飛駕引領望歸旆

贈紀士

瓊瓌俟豐價窈窕不自鬻有美蛾眉子惠音清且淑修
姱協姝麗華顏婉如玉

贈潘正叔

過蒙時來運與爾遊承華執笏崇賢內振纓曾城阿

贈尚書郎顧彥先

二首

大火貞朱光積陽熙自南望舒離金虎屏翳吐重陰淒

風迂時序苦雨遂成霖朝游忘輕羽夕息憶重衾感物
百憂生纏綿自相尋與子隔蕭牆蕭牆阻且深形影曠
不接所託聲與音音聲日夜濶何用慰吾心

朝遊遊層城夕息旋直廬迅雷中宵激驚電光夜舒玄
雲拖朱閣振風薄綺疏豐注溢修雷潢潦漫階除停陰
結不解通衢化爲渠沈稼湮梁潁流民泝荆徐眷言懷
桑梓無乃將爲魚

清夜不能寐悲風入我軒立影對孤軀哀聲應苦言

爲顧彥先贈婦

二首

辭家遠行游悠悠三千里京洛多風塵素衣化爲緇修

身悼憂苦感念同懷子隆思亂心曲沈歡滯不起歡沈
難克興心亂誰為理願假歸鴻翼翻飛游江汜

東南有思婦長歎充幽闥借問歎何為佳人眇天末游
宦久不歸山川脩且濶形影參商乖音息曠不達離合
非有常譬彼絃與箏願保金石軀慰妾長飢渴

為周夫人贈車騎

一作陸雲

碎碎織細練為君作縵縑君行豈有顧憶君是妾夫昔
者得君書聞君在高平今時得君書聞君在京城京城
華麗所璀璨多異人男兒多遠志豈知妾念君昔者與
君別歲律薄將暮日月一何速素秋墜湛露湛露何冉

冉思君歲隨晚對食不能餐臨觴不能飯

為陸思遠婦贈

二合兆嘉偶女子禮有行潔已入德門終遠母與兄如
何耽時寵游宦忘歸寧雖為三載婦顧景媿虛名歲暮
饒悲風洞房涼且清拊枕循薄質非君誰見榮離君多
悲心寤寐勞一作動人情敢忘桃李陋側想瑤與瓊

為顧彥先贈婦往返

四首

陸雲

我在三川陽子居五湖陰山海一何曠譬彼飛與沈目
想清慧姿耳存淑媚音獨寐多遠念寤言撫空衿彼美
同懷子非爾誰為心

悠悠君行邁，筑塹妾獨止。山河安可踰，永路隔萬里。京室多妖冶，粲粲都人子。雅步擢纖腰，巧言發皓齒。佳麗良可美，衰賤焉足紀。遠蒙眷顧言，銜恩非望始。

翩翩飛蓬征，郁郁寒水紫。遊止固殊性，浮沈豈一情。隆愛結在昔，信誓貫三靈。秉心金石固，豈從時俗傾。美目逝不顧，纖腰徒盈盈。何用結中欵，仰指北辰星。

浮海難爲水，游林難爲觀。容色貴及時，朝華忌日晏。皎皎彼姝子，灼灼懷春粲。西城善雅舞，總章饒清彈。鳴簧發丹唇，朱絃繞素腕。輕裾猶電揮，雙袂如霧散。華容溢藻幄，哀響入雲漢。知音世所希，非君誰能讚。棄置北辰

星，問此玄龍煥。時暮復何言，華落理必賤。

贈長安令劉正伯

潘尼

遊鸞憑太虛，騰鱗託浮霄。過蒙嘉時會，假翼陵扶搖。疲憊充時乏，及余再同僚。並跡侍儲宮，携手登皇朝。劉侯撫西都，邁績參豹喬。德厚化必深，政明姦自消。萬尋由積篲，千里一步超。爾其騁逸軌，遠塗固可要。

贈隴西太守張正治

二八由唐顯，周以多士隆。羣靈感韶運，理翮應翔風。張生拔幽華，蘋蘩登二宮。未幾振朱錦，剖符撫西戎。及子仍同僚，贈言貽爾躬。威刑有時用，唯德可令終。

贈滎陽太守吳子仲

大晉盛得人儲宮畜髦士吳侯降高質剖符授千里垂
覆豈他鄉迴光臨桑梓寮類感岐路黎庶思知耻老氏
喻小鱗曹叅寄獄市無謂敝邑陋覆篲由茲起

贈侍御史王元貺

崑山積瓊玉廣厦構衆材游鱗萃靈沼撫翼希天階膏
蘭孰爲消濟治由賢能王侯厭崇禮迴迹清憲臺雙屈
固小往龍翔迺大來協心毗聖世畢力讚康哉

贈叔岳

時爲河陽令

處生化單父子奇落東阿桐鄉建遺烈武城播絃歌逸

驥騰夷路潛龍躍洪波弱冠步鼎鉉既立宰三河流聲

馥秋蘭摘藻豔春華徒美天姿茂豈謂人爵多

贈汲郡太守李茂彥

序曰元康六年尚書吏部郎
汝南李光彥遷汲郡太守都

亭侯江夏李茂曾遷平陽太守此二子皆弱冠
知名歷職顯要旬月之間繼踵名郡離儉劇之
勤就放曠之逸枕鳴琴以俟遠致離別之際各
斐然賦詩

離索何惆悵後會未可希河朔貴相忘岐路安足悲

贈劉佐

要言將誰苦聊以貽友生念我二三賢規我無隱情

贈虞顯度

張載

疇昔協蘭芳繾綣在華年嘉好結平素分著寮友前謂

得終遐日綢繆永周旋吾子遭不造邁閔丁憂艱俾我
失良朋誰與吐話言一日爲三秋歲况乃三年離居一
何闊結思如迴川

贈棗腆

石崇

久官無成績棲遲於公
寂寂守空城悠悠思故鄉
恂恂二三賢身遠屈龍光
攜手沂泗間遂登舞雩堂
文藻譬春華談話猶蘭芳
消憂以觴醴娛耳以名娼
博奕逞妙思弓矢威邊疆

贈石崇

曹嘉

文武應時用兼才在明哲嗟嗟我石生爲國之俊傑入

侍於皇闈

一作闈

出則登九列威檢肅青徐
風發宣吳裔

疇昔謬同位情至過魯衛
分離踰十載思遠心增結
願子鑒斯誠寒暑不踰契

答曹嘉

石崇

昔常接羽儀俱遊青雲中
敦道訓胄子儒化渙以融
同聲無異響故使恩愛隆
豈惟敦初好款分在令終
孔不陋九夷老氏適西戎
逍遙滄海隅可以係王躬
世事非所務周公不足夢
玄寂令神王是以守至冲

贈石崇

曹攄

涓涓谷中泉鬱鬱巖下林
泄泄羣翟飛皎皎春鳥吟
野

五言古詩 卷二十一
次何索寔薄暮愁人心三軍望衡蓋歎息有餘音臨看
忘肉味對酒不能斟人言重別離斯情效於今

贈石季倫

棗腆

深蒙君子眷雅顧出羣俗受寶取諸懷所贈非珠玉凡
我二三子執手携玉腕嘉言從所好企予結雲漢望風
整輕翮因虛舉雙翰朝遊清渠側日夕登高館

一有翕如翮雲會忽若驚風散分結懷離析對樂增
累歎四句

贈石季倫

嵇紹

人生稟五常中和爲至德嗜欲雖不同代生所不識仁
者安其身不爲外物惑事故誠多端未若酒之賊內以

損性命煩辭傷軌則屢飲致疲怠清和自否塞陽豎敗
楚軍長夜傾宗國詩書著明戒量體節飲食遠希彭聃
壽虚心處冲默茹芝味醴泉何爲昏酒色

重贈盧諶

劉琨

握中有玄璧本自荆山璆惟彼太公望昔在渭濱叟鄧
生何感激千里來相求白登幸曲逆鴻門賴留侯重耳
任五賢小白相射鉤苟能隆二伯安問黨與讐中夜撫
枕歎相與數子游吾衰久矣夫何其不夢周誰云聖達
節知命故不憂宣尼悲獲麟西狩涕孔丘功業未及見
夕陽忽西流時哉不我與去乎若雲浮朱實隕勁風繁

五言古詩 卷二十一 十八
英落素秋狹路傾華一作車蓋駭駟摧雙輶何意百鍊剛
化爲繞指柔

答劉琨

盧湛

隨寶產漢濱攜此夜光真不待卞和顯自爲命世珍

重贈劉琨

璧由識者顯龍因慶雲翔茨棘非所憇翰飛遊高岡余
音非九韶何以儀鳳凰新城非芝圃曷由殖蘭芳

贈溫太真崔道孺

逍遙步城隅暇日聊游豫北眺沙漠南望舊京路平
陸引長流岡巒挺茂樹中原厲迅飈山阿起雲霧遊子

恒悲懷舉目增永慕良儔不獲偕舒情將焉訴遠念賢
士風遂存往古務朔鄙多俠氣豈唯地所固李牧鎮邊
城荒夷懷南懼趙奢正疆場秦人折北慮羈旅及寬政
委質與時遇恨以駑蹇姿徒煩非子御亦旣弛負擔忝
位宰黔庶苟云免罪戾何暇收民譽倪寬以殿黜終乃
最衆賦何武不赫赫遺愛常在去古人非所希短弱自
有素何以敷斯辭惟以二子故

贈潘尼

郭璞

杞梓生南荆奇才應世出擢穎蓋漢陽鴻聲駭皇室遂
應四科運朱衣耀玉質

五言古詩 卷二十一 十九
贈羊長史

左軍羊長史銜使秦川
作此與之

陶淵明

愚生三季後慨然念黃虞得知千載外正一作賴古人
書賢聖留餘跡事事在中都豈忘游心目關河不可踰
九域甫已一逝將理舟輿聞君當先邁負病不獲俱路
若經商山爲我少躊躇多謝綺與用精爽今何如紫芝
誰復採深谷久應蕪駟馬無貫患貧賤有交娛清謠結
心曲人乘一作運見疎擁懷累代下言盡意不舒

贈王太常

宋顏延之

玉水記方流璇源載圓折蓄寶每希聲雖秘猶彰徹
龍際九淵聞鳳窺丹穴歷聽豈多士歸然覲時哲舒文

廣國華敷言遠朝列

烈

一作

德輝灼邦懋芳風被鄉耆側

同幽人居郊扉常晝閉林間時晏開亟迴長者轍庭昏
見野陰山明望松雪靜惟淡羣化徂生入窮節豫往誠
歡歎悲來非樂闕屬矣謝繁翰遙懷具短札

答顏延年

王僧達

長卿冠華陽仲連擅海陰珪璋旣文府精理亦道心君
子聳高駕塵軌實爲林崇情符遠迹清氣溢素襟結遊
略年義篤顧棄浮沈寒榮共偃曝春醞時獻斟聿來歲
序暄輕雲出東岑麥壟多秀色楊園流好音歡此乘日
暇忽忘逝景侵幽衷何用慰翰墨久謠吟棲鳳難爲條

五言古詩 卷二十一
淑貺非所臨誦以永

一作周旋匣以代兼金

贈故人馬子喬

六首

鮑照

躑躅城上羊攀隅食玄草俱共日月輝昏明獨何早夕

風飄野籜飛塵被長道親愛難重陳懷憂坐空老

陳一作見

寒灰滅更燃夕華晨更鮮春冰雖暫解冬水復還堅佳

人捨我去賞愛長絕緣歡至不留日感物輒傷年

松生隴坂上百尺下無枝東南望河尾西北隱崑崖野

風振山籟朋鳥夜驚離悲涼貫年節葱翠恒若斯安得

草木心不怨寒暑移

種橘南池上種杏北池中池北既少露池南又多風早

寒逼晚歲衰恨滿秋容湘濱有靈鳥其字曰鳴鴻一挹

繒繳痛長別遠無雙

皎如川上鵠赫似握中丹宿心誰不欺明白古所難憑

楹觀皓露灑酒盪憂顏永念平生意窮光不忍還淹留

徒攀桂延佇空結蘭

雙劍將離別先在匣中鳴煙雨交將夕從此遂分形雌

沈吳江裏

一作水

雄飛入楚城吳江深無底楚關

一作有關

崇扃一爲天地別豈直限幽明神物終不隔千祀儻還

并

日落望江贈荀丞

旅人乏愉樂薄暮增思深日落頽雲歸延頸望江陰亂
流濊大壑長霧匝高林林際無窮極雲邊不可尋惟見
獨飛鳥千里一揚音推其感物情則知遊子心君居帝
京內高會日揮金豈念慕羣客咨嗟戀景沈

贈范曄

陸凱

折花逢驛使寄與隴頭人江南無所有一作聊贈一枝

春

贈王儉

齊王僧祐

汝家在市門我家在南郭汝家饒賓侶我家多鳥雀

贈傅昭

虞通之

英妙擅山東才子傾洛陽清塵誰能嗣及爾邁遺芳

賜謝覽王暕

梁武帝

雙文既後進二少實名家豈伊爾一作棟隆信乃俱國

華

賜張率

東南有才子故能服官政余雖慚古昔得人今爲盛

贈張纘

簡文帝

儀表咸推挹墻仞難窺踐既富垂帷學復折波濤辯綺
思暖霞飛清文煥颺轉朱旗赫容與彫檠紛曜煜波搖
白鱧舟風動蒼鷹舳九疑勢參差江天相蔽虧三春澧

浦葉九月洞庭枝
洞庭枝嫋娜
澧浦葉參差
芬芳與搖落
俱應傷別離

贈到溉洽

元帝

魏世重雙丁
晉朝稱二陸
何如今兩到
復似凌寒竹

獻簡文帝太子

一作奉和應令

劉孝威

太子天下本
元良萬國貞
周朝推上嗣
漢代紀重明
前星涵瑞彩
洊雷揚遠聲
三善傳樂正
百行紀司成
九流遍已辨
七經咸所精
博聞強子政
高才陵長卿
禮尊逾屈已
德盛益卑情
仙氣貽一作胎鍾相
儒道推栢榮
延賢博望苑
視膳長安城
園綺隨金輅
浮丘侍玉笙
智囊前

歛笏端士後
垂纓九仙良
所重四海更
誰傾班輪同策
乘甲館齊蓬瀛

古意贈王中書

范雲

攝官青瑣闥
遙望鳳皇池
誰云相去遠
脉脉阻光儀
岱山饒靈異
沂水富英奇
逸翮凌北海
搏飛出南皮
遭逢聖明後
來棲桐樹枝
竹花何莫莫
桐葉何離離
可栖復可食
此外亦何爲
豈知鷦鷯者
一粒有餘貲

雜體報范通直

齊王融

和璧荆山下
隋珠漢水濱
無雙自昔代
有美今爲隣
三楚多秀士
江上復才人
緯綃一作蕭非善賈
聖德可名臣

五言古詩 卷二十一 二十三
追飛且學步共子奉清塵紫庭風日好青槐枝葉新徘徊吹樓側欲見心所親一作微君蘭蕙草何用以書紳

贈張徐州謾

范雲

田家樵採去薄暮方來歸還聞稚子說有客款柴扉儼從皆珠玳裘馬悉輕肥軒蓋照墟落傳瑞生光輝疑是徐方牧一作懷既是復疑非思一作懷舊昔言有此道今已微物

情棄疵賤何獨顧衡闈恨不具雞黍得與故人揮懷情

徒草草一作慙慙淚下空霏霏寄書雲間鴈爲我西北飛

贈沈左衛

伊昔霑嘉惠出入承明宮遊息萬年下經過九龍中越

鳥憎北樹胡馬畏南風願言反漁菴津梁肯一作昔見通

贈俊公道人

秋蓬飄秋甸寒藻泛寒池風條振風響霜葉斷霜枝幸

及清江滿無使明月虧月虧君不來相期竟悠哉一作何時

贈何郎

丘遲

向夕秋風起野馬雜塵埃憂至猶如繞詎是故人來檐際落黃葉堦前網綠苔遙情不入酒望美信難哉

答丘長史

何遜

宿昔敦遠遊名分乃異路千里泝波潮一朝披雲霧從容捨密勿繾綣論襟趣披文極詆訶析理窮章句明一作

五言古詩 卷二十一 二十四
鳴鍾信有待巨海誰能喻奔景驟西傾還途忽東鶩黃
花發岸草赤葉翻高樹漁舟乍回歸沙禽時獨赴宴年
時未幾離歌倏成賦伊我念幽關夫君思贊務短翮方
息飛長轡日先驅曝鯁 走逸翮康時務握手異沈
浮佳期安可屢

答徐侍中爲人贈婦

丘遲

丈夫吐然諾受命本遺家糟糠且棄置蓬首亂如麻側
聞洛陽客金蓋翼高車謁帝時來下光景不可奢幽房
一洞啟二八盡芳華羅裙有長短翠鬢無低斜長眉橫
玉臉皓腕卷輕紗俱看依井蝶共取落簷花何言征戍
苦抱膝空咨嗟

贈徐徵君

一作吳均

任昉

促生悲永路早交傷晚別自我隔容微於焉徂歲月情
非山河阻意似江湖悅東臯有儒素杳與榮名絕曾是
違賞心曷用箴余缺眇焉追平生塵書廢不閱信此伊
能已懷抱豈暫輟何以表相思貞松擅嚴節

贈顧倉曹

王僧孺

洛陽十二門樓闕似西崑曖曖杳恩下相望隔畫垣畫
垣向阿閣棲鳳復棲鴛五曹均趨奏六尚等便煩朝爐
何馥馥夜錦有餘溫日中驅上駟驤首遍京宛晨趨魏

公子夕宿韓王孫夙昔今何在生平棄不論譬如菴施
草心謝葉空存誰復三承睫獨念九飛翬

贈吳均 二首

柳惲

寒雲晦滄洲奔潮溢南浦相思白露亭永望秋風渚心
知別路長誰一作不謂者燕楚關候日遼絕如何一作附
行旅願作野飛鳥飄然自輕舉

遠遊濟伊洛秣馬度清漳邯鄲饒一作有美女艷色含春

芳鼓瑟未成曲踏屣一作躑躅復翱翔我本遊客子情愛在

淮陽新知誰不樂念舊苦人腸

夕宿飛狐關晨登磧礫坂形爲戎馬倦思逐征旗遠邊

城秋霰來寒鄉春風晚始信隴雪輕漸覺寒雲卷徭役
命所當念子加餐飯

重贈吳均 二首

山桃落晚紅野蕨開初紫雲日自清明蘋芷齊靡離
念已鬱陶物華復如此

禽 秋風度關隴楚客奏歸音颯颯避霜葉離離出一作塞

答柳惲

吳均

清晨發隴西日暮飛狐谷秋月照層嶺寒風掃高木霧
露夜侵衣關山曉催軸君去欲何之參差間原陸一見

終無緣懷悲空滿目

贈周處士

庾肩吾

九丹開石室三徑沒荒林仙人翻可見隱士更難尋
籬下黃花菊丘中白雪琴方欣松葉酒自和遊山吟

贈周散騎興嗣

六首

吳均

子雲好飲酒家在成都縣製賦已百篇彈琴復千轉敬
通不富豪相如本貧賤共作失職人包山一相見

昔

一作

賢當路者聲名振華夏朱輪玳瑁車紫鞵連錢

馬朝花舞風去

一作

夜月窺牕下想君貴易朋居然應

見舍

孺子賤而貧且非席上珍唯安萊蕪甑兼慕林宗巾百
年逢繾綣千里遇殷勤願持江南蕙以贈生芻人
思君欲何言中心亂如霧淚下非一端愁來誰有數子
爲馮敬通不減汲長孺千里無關梁安得王喬屨
與君初相知不言異一宿意欲褰衣裳陰雲亂人目之
子伏高臥伊予空杼軸無因渡淇水見此猗猗竹
可怨異公子終自不敢言青松蔽南隴白雲生北園沈
憂無人語默念空憑軒安得湛盧劍以報相知恩

答吳均

三首

周興嗣

明燈照暗室邊韶對趙壹但酌中山酒唯甘江浦橘風

動雲入箕雨至月離畢王丹贈不拜是我相知日
驚鳧起北海儀鳳飛上林鶯低不同翼歡楚亦殊音
暄夕雲起落落曉星沈李陵報蘇武但令知我心
昔別襄城村同會長安市誰學萊蕪醜本得王喬履
堦前養素鶴池中飴赤鯉一往玉壺上兼復見蕭史

與柳惲相贈答

六首

吳均

黃鸝飛上苑綠芷出汀洲日映昆明水春生鳩鵲樓
飄颻白花舞瀾漫紫萍流書織迴文錦無因寄隴頭
思君甚瓊樹不見方離憂

鳴鞭適大阿聯翩渡漳河燕姬及趙女挾瑟夜經過
織腰曳廣袖半額畫長蛾客本倦遊者箕帚在江沱
故人不可棄新知空復何

離居苦無樂回慕心悽悽要途訪趙使聞君仕執珪
杜蘅色已發菖蒲葉未齊暮簷蠶餌重差池燕吐泥
願逐東風去飄蕩至遼西

白日隱城樓勁風掃寒木離枿隔東西執手異涼燠
相思咽不言洞房清且肅歲去甚流煙年來如轉軸
別鶴千里飛孤雌夜未宿

閒房肅已靜落月有餘輝寒蟲隱壁思秋蛾繞燭飛
絕雲斷更合離禽去復歸佳人今何在迢遞江之沂
一爲

別鶴弄千里淚沾衣

秋雲靜晚天寒夜方綿綿聞君吹急管相思雜采蓮別
離未幾日高月三成弦蹀躞黃河浪嘶唱隴頭絃寄君
靡蕪葉插著叢臺邊

贈柳真陽

王孫清且貴築室芙蓉池羅生君子樹襍種女貞枝南
牕帖雲母北戶映琉璃銜書轆轤鳳坐水玉盤螭朝衣
茱萸錦夜覆葡萄卮聯翩驂赤兎窈窕駕青驪龍泉甚
鳴利如何獨不知

贈任黃門二首

相如體英彥左右生容輝已紆漢帝組復解梁王衣經
過雲母扇出入千一作金門扉連洲茂芳杜長山鬱翠微
欲言終未敢徒然一作默默獨依依

紛吾少馳騁自來乏名德白玉鏤衢鞍黃金瑪瑙勒射
鵬靈丘下驅馬鴈門北殷勤盡日華留連窮景黑歲暮
竟無成憂來坐默默

贈朱從事

我行欲何之千里尋膠漆長葭歷渚生踈蒲綠岸出裊
裊能隨風離離堪度日客思已飄蕩相思復非一未得
幸殷勤先作數行泣

王言詩 卷二十一
贈搖郎

搖一作姚

星漢正參差佳人不在斯宿昔暫垂阻何異遠分離露
染薜蘿葉日照芄蘭枝風光已飄薄雲采復逶迤勞夢
無人覺默默心自知

贈王桂陽

松生數寸時遂爲草所沒未見籠雲心誰知負霜骨弱
榦可摧殘纖莖易凌忽何當數千尺爲君覆明月

贈柳秘書

薜蘿與丹桂竒心復竒骨已蔽蒼龍門又影鳳皇闕紫
雲依夜來清風扶晚發鴛鴦若上天寄聲謝明月

入蘭臺贈王治書僧孺

故人楊子雲校書麟閣下寂寞少交遊紛綸富文雅予
爲隴西使寓居洛陽社相思非不深行行避驄馬

遙贈周承

巨石亂天崖雜樹鬱參差伯魚留蜀郡長房還葛陂練
練波中月亭亭雲上枝高岑蔽人者無處得相知

周承未還重贈

石渠閫無人子雲今何在顧望獨懷一作憂銜杯竟誰

待散雪逐吹寒蓬姿浮霜采甘泉無竹花鷓鴣欲還海

秋夕仰贈從兄寘南

何遜

五言古詩 卷二十一
三十一
堦蕙漸翻葉池蓮稍罷花高樹北風響空庭秋月華寸
心懷是夜寂寞漏方賒撫弦乏歡娛臨觴獨歎嗟悽愴
戶涼入徘徊欄影斜無爲淹戚里見就還田家

答何秀才

何寘南

自憐耿不寐擁褐至宵闌蒼茫曙月落切戾曉風酸終
朝長守饑疊夜抱餘寒周道坦且一作既直弱命溘將殫
靈臺聊寄止戚里豈餘歡思家無積歛何以拯急難

落日前墟望贈范廣州雲

何遜

緣溝綠草蔓扶援雜華舒輕煙澹柳色重霞映日餘遙
遙長路遠一作晚寂寂行人疎我心懷碩德思欲命輕車

高門盛遊侶誰肯進畋漁

答何秀才

范雲

少年射策罷擢第雲臺中已輕淄水羞復笑廣州翁麟
閣佇讐校虎觀遲才通方見雕篆合誰與畋漁同待爾
金閨北予藝青門東

贈族人秣陵兄弟

何遜

吾宗昔多士文雅高縉紳小子無學術丁寧困負薪傍
枝實紛亂領袖寄親姻名價齊兩許閨門比三陳風力
咸通邁藝業並紛綸元方振高羽洛令初解巾自爾典
名郡所在號清淳齊兒敢爲俗蜀物豈隨身祿俸不妻

子謳吟乃吏民孰云穢明德惟在中聖人若能遺酌我
稱首當屬仁仲將本特達坎壈猶賤貧方成天下士豈
伊席上珍外情或簡易內鑒甚人倫時然臨下邑摘伏
信如神顧余晚脫略懷抱日湮淪游宦疲年事來往厭
江濱十載猶先職一官乃任真土牛竟不進芻狗空重
陳羈旅無儔匹形影自相親蕭索高秋暮砧杵鳴四隣
霏霏入窻雨漠漠暗牀塵所思不可見邈若胡與秦願
子加餐飯良會在何辰

仰贈從兄興寧寘南

家世傳儒雅貞白仰餘徽宗派已孤狹財產又貧微棲
息同蝸舍出入共荆扉松筆時臨沼蒲簡得垂帷幸逢
四海泰日月耀增輝相顧無羽翮何由總奮飛一朝異
言宴萬里就睽違遠江飄素沫高山鬱翠微相思對淼
淼相望隔巍巍死灰終不然長岑且未歸當憐此分袂
脉脉淚沾衣

贈諸遊舊

弱操不能植薄伎竟無依淺智終已矣令名安可希擾
擾從役倦肩肩身事微少壯輕年月遲暮惜光輝一塗
今未是萬緒昨如非新知雖已樂舊愛盡睽違望鄉空
引領極目淚沾衣旅客長憔悴春物自芳菲岸花臨水

五言古詩 卷二十一 三十一
發江燕遶檣飛無由下征帆獨與暮潮歸

贈王左丞僧孺

欄外鶯啼罷園裡日光斜游魚亂水葉輕燕逐風花長
墟上寒靄曉樹沒歸霞九華暮已隱抱鬱徒交加

道中贈桓司馬季珪

晨纜雖同解晚洲阻共入猶如征鳥飛差池不可及本
願申羈旅何言異翔集君渡北江時詎今南浦泣

日夕望江山贈魚司馬

湓城帶湓水湓水縈如帶日夕望高城耿耿青雲外城
中多宴賞絲竹常繁會管聲已流悅弦聲復淒切歌黛

慘如愁舞腰凝欲絕仲秋黃葉下長風正騷屑早鴈出
雲歸故燕辭檐別晝悲在異縣夜夢還洛汭洛汭何悠
悠起望西南一作登樓的的帆向浦團團月映一作洲
誰能一羽化輕舉逐飛浮

贈吳均

蕭子雲

欲知健少年本來最經黠綠沈弓項縱紫艾刀橫拔誰
持命要寵寧知敵可殺有功終不言明君自應察

答蕭新浦

吳均

僕本二陵徒英豪多久要角觝良家兒期門惡年少身
一作紆丈二組手擎尺一詔問子行何去高帆艤江干

今夜杯酒別明朝江水邊
萋萋看細雨漠漠視濃煙
颯灑八銅箭一作剪低昂五會船
欲知故人者江南共采蓮
悒然心不樂跨馬出城壕
觀濤看白鷺望草見青袍
青袍行中把蔽草覆平野
公子不垂堂紛紛故交者
肘懸辟邪印屋曜鴛鴦
瓦翩翩流水車蕭蕭曳練馬
是時君別我青莎沒馬蹄
連連文蠶蠶鷺鷺伺朝一作湖
鷄今日予懷友積恨一作雪
滿東西

贈任昉

陸倕

和風雜美氣下有真人遊
壯矣荀文若賢哉陳太丘
今則蘭臺聚萬古信爲儔
任君本達識張子復清脩
既有

絕塵到復見黃中劉

贈何郎

孫權

幽居少怡樂坐靜對嘉林
晚花猶結子新竹未成陰
夫君阻清切可望不可尋
處處多護草賴此慰人心

答孫郎權

何遜

山中氣色滿墟上生煙露
杳杳星出雲啾啾雀隱樹
虛館無賓客幽居乏懽趣
思君意不窮長如流水注

贈陰梁州

荀濟

副尉西域返伏波南海還
坎壈多構難鬱快少騰遷
孰云功未立寧是契不全
直爲逢迎寡良由聽受偏
若人

本高絕芬馥邁蘭荃驅車趨折坂匡坐酌貪泉洗憤豈
 虛唱席皮良信然羣醉嫉孤醒衆媿恐一作怨又作忌獨妍龍
 旗翻委鬱鷁軸更迴遭鯤勢終橫海鵬力會冲天昔余
 遇知己一面深千祀紆人重結襪辱德逾過市詩酒悅
 風雲琴歌賞桃李淹留漢水曲契濶渝川浹結綬惟貢
 公推名實鮑子徒然懷伏劍終無報國士高懷不可忘
 劍意何能已已作金蘭契何言雲雨別咄嗟改容髮俄
 頃彌年歲海曲窮地表江源表天際雲泥已殊路暄涼
 詎同節柳絮亟如絲梅花屢成雪月落桂陰遠風起萱
 條結鶴舞想低昂鴟絃夢清切聞君戍靈關瓜時猶未

還數汎明月沼頻遊向

一作當

日灣金碧應髮鬢輪鏡幾

登攀復承西歸後將兵出湖口經過道路長往來日月

久玉體何容歛金漿故應有陽臺可讌私章華堪置酒

既彈趙人瑟復擊秦人缶缶瑟多奇調秦趙饒姝妙得

意在雙眸傾城猶一咲伯喈恩

一作思

實早十杜

一作天

終少歿等盛姬傷存同魏車照君子篤久要宿昔盛賓

僚依依集鱗羽眷眷共枝條一朝限岐路萬里異波潮

容儀雖眇眇夢想尚昭昭新人不相識故人詎相憶杳

杳間山川迢迢阻音息各附青雲遠詎假排虛力風月

接歡宴酒醴承顏色安知慕儔者潺潺涕沾軾僕本不

平人悲愁眉亦頰年來空自老歲去不知春未能全一作
會體命於中欲問津五噫如適越十上似遊秦肌膚積
霜露膂力倦風塵烏裘日日故白髮朝朝新人生感意
氣相知無富貴懷趙實廉頗思燕唯樂毅大選咆咻士
廣募嫖姚尉映月比刀環瞻星看劍氣郢路一超遠長
楸幾歎欻渤澥水尚寬崦嵫日猶未丈夫志四海兒女
多辭費待余濟濁河從君宿清渭

贈王僧辨

朱超道

故人總連率方舟下漢池玉節交橫映金鏡前後吹聚
圖匡漢業傾產救韓危昔時明月夜蔭羽切高枝冲天
勢已遠控地力先疲各言獻捷後幾處泣生離

送別不及贈何殷二記室

朱記室

憑軾徒下泪裁書路已賒遠鼓依林響連檣倚岸斜山
開雲吐氣風憤浪生花卽此余傷別何論爾望家二君
勗琬琰無使沒泥沙

暮秋答朱記室

何遜

游揚日色淺騷屑風音勁寒潭見底清風色極天淨寸
陰坐銷鑠千里長遼迴桃李爾繁華松柏余本性故心
不存此高文徒可詠

贈內

徐悱

五言古詩 卷二十一
日暮想青陽躡履出椒房網蟲生錦薦遊塵掩玉牀不
見可憐影空餘黼帳香彼美情多樂挾瑟坐高堂豈忘
離憂者向隅心獨傷聊因一書札以代九迴腸

答外 二首

劉氏

花庭麗景斜蘭牖輕風度落日更新粧開簾對春

一作芳

樹鳴鸚葉中舞戲蝶花間鶯調琴本要歡心愁不成趣

良會或以非遠佳期今不遇欲知幽怨多春閨深且暮

東家挺竒麗南國擅容輝夜月方神女朝霞喻洛妃還
看鏡中色比艷似知非摘辭徒妙好連類頓乖違智夫
雖已麗傾城未敢希

贈江詹事

一作同江詹事登宮城南樓

陳徐陵

元良屬上德率土被中孚漢幄朝無怠周門夕復趨桓
經旣受業賀拜且尊儒壯志諧風雅高文會斗樞鏗鏘
叶舞蹈炤爛等琨瑜溝水慙雄伯漳川仰大巫鮑魚寧
入俎釣鱉匪克厨叔譽恒詞屈防年豈濫誅

贈賀左丞蕭舍人

江總

翰軒通八表旌節驚三秦聽歌酬敏對繼好佇行人賀
生思沈鬱蕭弟學紛綸共有筆端譽皆爲席上珍離羣
徒悄悄征旅日駢駢黃河分太史一曲悲千里海內平
生親中朝流寓士痛哉憫梁祚于焉三十祀鍾儀繫不

歸盛憲悲何已隴頭心斷絕爾爲叅生死回首望長安
猶如蜀道難函關分地軸華嶽接天壇行旌方境逝去
棹艤江干蘆花霜外白楓葉水前丹翔鷗方怯凍落鴈
不勝彈輝輝盛王道時務嬰疲老九流倦耳目十年變
懷抱何以敦岐路淒然綴辭藻江南有桂枝塞北無萱
草斗酒未爲別垂堂深自保

贈北使

潘徽

業定三邊靜時和四海敦行人仍禮籍使者接轡軒賓
榮君享燕客踞我司存旣美齊嬰學欣逢鄭產言琴酒
時歡會篇章極討論迴旌逗隴左返軸指河源塞榆行
鳥別淚不因猿所可緘懷袖方以代蘭萱

贈陳寶應

釋惠標

送馬猶臨水離旗稍引風好看今夜月當照一作紫微
宮

贈中尉李彪

北魏韓延之

賈生謫長沙董儒詣臨江愧無若人跡忽尋兩賢蹤追
昔渠閣游策駑厠羣龍如何情願奪飄然獨遠從痛哭
去舊國銜淚屈新邦哀哉無援民嗷然失侶鴻彼蒼不
我聞千里告志同

贈親友

李騫

幽棲多暇日總駕萃荒坳南瞻帶宮雉北盼拒畦瀛流
火時將未懸炭漸云輕寒風率已厲秋水寂無聲層陰
蔽長野凍雨暗窮汀侶浴浮還沒孤飛息且驚三禡俄
終歲一丸曾未營閒居同洛涘歸身欵武城稍旅原思
藿坐夢尹勤荆監河愛斗一作升水蘇子借餘明益州達
友趣廷尉辯交情豈若忻蓬華收志偶沈冥

贈王肅

謝氏

本爲箔上蠶今作機上絲得絡逐勝去頗憶纏綿時

代答

陳留公主

鍼是貫紳物目中常絀絲得帛縫新去何能衲故時

贈周處士

周王褒

我个無歲月征馬屢盤桓峭曲三危岨關重九折難猶
持漢使節尚服楚臣冠巢禽疑上幕驚羽畏虛彈飛蓬
去不已客思漸無端壯志與時歇生年隨事闌百齡悲
促命數刻念餘歡雲生隴坻黑桑疎薊北寒鳥道無蹊
徑清漢有波瀾思君化羽翮要我鑄金丹

謹贈司寇淮南公

庾信

危邦久亂德天策始乘機九河聞誓衆千里見連旂號
亡垂棘返齊平寶鼎歸久弊風塵俗殊勞關塞衣絆驥

五言古詩 卷二十一 三十一
還千里垂鵬更九飛猶憐馬齒進應念節旄稀迴軒入
故里園柳始依依舊竹侵行徑新桐益幾圍寒谷梨應
重秋林栗更肥美酒還參聖雕文本入微促歌迎趙瑟
遊弦召楚妃小人司刺舉明敷一作實濫吹南部治都
尉軍謀假建威商山隱士石一作丹水鳳凰磯野亭長
被馬山城早掩扉傳呼擁絳節交戟映彤闈遂令忘楚
操何但食周薇三十六水變四十九條非丹竈風煙歇
年齡蒲柳衰同僚敢不盡疇日懼難追

賜史祥

隋煬帝

伯斐朝繼重夏侯親遇深貴耳唯聞古賤目詎知今早
擿勁草質久有背淮心掃途黎山外振旅河之陰功已
書王府留情太僕箴

賜牛弘

晉家山吏部魏代

一作世

盧尚書莫言先哲異竒才並佐

予學行敦時俗道素乃冲虛納言雲閣上禮儀皇運初
彝倫欣有敘垂拱事端居

賜諸葛穎

參翰長洲苑侍講肅成門名理窮研覈英華恣討論實
錄資平允傳芳導後昆

奉和賜詩

許善心

五言古詩 卷二十一 四十一
帝道屬昇平天文預觀象茲生荷化育博施多含養正
始振皇風端居留眷想夕拜參近侍朝恩濫弘獎溫樹
貴不言克艱庶無爽

贈薛內史

楊素

耿耿不能寐京洛久離羣橫琴還獨坐停杯遂待君待
君春草歇獨坐秋風發朝朝唯落花夜夜空明月明月
徒流光落花空自芳別離望南浦相思在漢陽漢陽隔
隴岑南浦達桂林山川雖未遠無由得寄音

酬楊僕射

薛道衡

寂寂無與晤朝端去總戎空庭聊步月閒坐獨臨風臨
風時太息步月山泉側朝朝散霞彩暮暮澄秋色秋色
遍臯蘭霞彩落雲端吹旌朔氣冷照劔日光寒光寒塞
草平氣冷咽笳聲將軍獻凱入藹藹風雲生

山齋獨坐贈薛內史

二首

楊素

居山四望阻風雲竟朝夕深溪橫古樹空巖臥幽石日
出遠岫明鳥散空林寂蘭庭動幽氣竹室生虛白落花
入戶飛細草當堦積桂酒徒盈樽故人不在席日一作薄
暮山之幽臨風望羽客

巖壑澄清景景清巖壑深白雲飛暮色綠水激清音澗
戶散餘彩山牕凝宿陰花草共榮映樹石相陵臨獨坐

對陳榻無客有鳴琴寂寂幽山裏誰知無悶心

敬酬楊僕射

薛道衡

相望山河近相思朝夕勞龍門竹箭急華岳蓮花高岳
高嶂重疊鳥道風煙接遙原樹若薺遠水舟如葉葉舟
旦旦浮驚波夜夜流露寒洲渚白月冷函關秋秋夜清
風發彈琴即鑑月雖非莊鳥歌吟詠常思越

贈薛播州十四首

楊素

在昔天地閉品物屬屯蒙和平替王道哀怨結人風麟
傷世已季龍戰道將窮亂海飛羣水一作亂流貫日引
長一作虹干戈異革命揖讓非至公飛海若

兩河定寶鼎八水域神州函關絕無路京洛化為丘漳
溢爾連沼涇渭余別流生郊滿戎馬涉路起風牛班荆
疑莫遇贈綺竟無由

五緯連珠聚千載濁河清金亡潛虎質閏盡自蛙聲聖
期伊且暮天祿啟炎精霧生三日重星飛五老輕禋宗
答上帝改物創羣生

道昏雖已朗政故猶未新剗舟洹水濟一作際結網大川

濱出遊迎釣叟入夢訪幽人植林雖各樹開榮豈異春
相逢一時泰共幸百年身

有帛賁丘園生芻自幽谷塵芳金馬路瀾清鳳池澳零

露既垂光清風復流穆傾蓋如舊知彈冠豈新沐利心
金各斷芬言蘭共馥

自余歷端揆緝熙而時彥及爾陪帷幄出納先天睠高
調發清音縟藻流餘絢或如彼金玉歲暮無凋變余松
待爾心爾筠留我箭

荏苒積歲時契闊同遊處閭闔既趨朝承明還宴語上
林陪羽獵甘泉待清曙迎風含暑氣飛雨淒寒序相顧
惜光陰留情共延一作佇

滔滔彼江漢實爲南國紀作牧求明德若人應斯美高
臥未褰帷飛聲已千里還望白雲天日暮秋風起峴山
君儻遊淚落應無已

漢陰政已成嶺表人猶蠹彈冠比方新還珠摠如故楚
人絳去思越俗歌來暮陽鳥疑作鳥尚歸飛別鶴還迴顧
君見南枝巢應思北風路

北風吹故林秋聲不可聽鴈飛窮海寒鶴唳霜臯淨含
毫心未傳聞音路猶負唯有孤城月裴徊獨臨映弔影
余自憐安知我疲病

養病願歸閒居榮在知足栖遲茂陵下優游滄海曲古
人情可見今人遵路躅荒居接野窮心物俱非俗桂樹
芳叢生山幽竟何欲

五言古詩 卷二十一 四十三
所欲棲一枝稟分豐諸已園樹避鳴蟬山梁遇雌雉野
陰冒叢灌幽氣含蘭芷悲哉暮秋別春草復萋矣鳴琴
久不聞屬聽空流水

秋水魚遊日春樹鳥鳴時濠梁暮共往幽谷有相思千
里悲無駕一見杳難期山河散瓊蘂庭樹下丹滋物華
不相待遲暮有餘悲

街悲向南浦寒色黯沈沈風起洞庭險煙生雲夢深獨
飛時慕侶寡和乍孤音木落悲時暮時暮感離心離心
多苦調詎假雍門琴

贈劉儀同西聘

盧思道

開邛昔柔遠賓越盡招携豈若馳天使玉節撫遺黎五
祠臨渭北雙嶺帶嶠西故關看金馬餘壇聽寶雞垂絲
被柳陌落錦覆桃蹊分袂俄易慘離思實難齊極野雲
峯合遙嶂日輪低塵暗前旌沒風長後騎嘶灞陵行可
望函谷久無泥湏君勞旋罷春草共萋萋

贈李若

初發清漳浦春草正萋萋今留素澹曲夏水已成蹊塵
起星橋外日落寶壇西庭空野煙合巢深夕羽迷短歌
雖製素長吟當執珪寄語當窻婦非關惜馬蹄

贈李行之

五言古詩 卷二十一 四十四
水衡稱逸人潘楊有世親形骸預冠冕心思出囂一作風塵

秋日贈王中舍

虞世基

秦關望吳苑渭涖去江濱天漢星躔絕山川地角分百年變朝市千里異風雲雙鴛難可贈別鶴不相聞忽值從遊士玳簪光素履歡言悅鄭郊雪泣悲燕市契闊論談笑殷勤訪生死思君在一方無由同四美尺素乃云披投瓊慰久離雲開縹錦散霞照綠緹披相思歎河廣相望阻天垂贈言方杜若握手代萱枝伊昔風期早金蘭信爲寶去來金馬門留連鬪雞道驚嶺訪三禪商山

追四皓勝地俱遊息披文遞論討虛薄忝官聯喬木遂

同遷濯纓升博望闊

一作飛

步入崇賢高軒照流水長劔

聳秋蓮南風忽不競東海遂成田喧喧狹斜路隱隱平

陵樹鳳闕曖西臨星橋耿南注五方多異俗四海皆行

路士衡嗟苦辛德璉傷流寓鞏洛重行行寓目盡傷情

太行臨北絳函谷拒西京雀書圖久滅龍文鼎遂輕凌

雲餘構盡濛汜曲池傾

一作平

徘徊殊未極惆悵空雲纓

伊川忽會面留連展言宴東西一背飛翻然成異縣哀

哉人道促痛矣嗟埋玉稽生顧影琴裴子飄風燭摧茲

激水意頓此浮雲足棄置勿重陳難終唯此曲漢陽趙

元淑薛縣雍門周清文寧解病妙曲反增愁翳翳神逾
伏慄慄歲方迨雙嶠飛暗雨八水凍寒流蘭枯芳草歇
槐古憶前秋江干不可望徒此歎離憂

言反江陽寓目灞涘贈陸司馬

王胄

遊人賣藥罷徐步反江干行吟灞陵岸迴首望長安晨
華照城闕參差復鬱盤千門含日麗萬雉映霞丹雲開
承露掌吹動相風竿遊童輕薄少鮮服鷄鷄冠花開傅
粉晏塵起副車韓屢投雙飛劍曾操兩色丸桂玉要遊
女彈珠落矯翰信矣非吾樂何事久盤桓欲動南登詠
還謠北上難眷言思舊友徂遠路漫漫燕陲望楚服天
際與雲端棹發吳濤上荆歌易水寒十年阻風月萬里
別金蘭心期竟何許懷抱日摧殘容華冉冉謝衣帶朝
朝寬盛憲寧延壽劉琨自少歡宿昔均取捨同波豈異
瀾贈言不盡意擲筆起長歎

贈蔡君

孔紹安

疇昔同幽谷伊爾遷喬木赫奕盛青紫討論窮簡牘

贈竇蔡二記室入蜀


陳政

崑山積良寶大廈構衆材馬卿委官去鄒子背淮來風
流信多美朝夕豫平臺逸翮獨不羣清才復適上六輔
昔推名二江今振嚮英華雖外發磨琢終內朗四海奮

羽儀清風久播馳沉鬱材難厠青山翻易阻回首望煙霞誰知慕儔侶飄然不繫舟爲情自可求若奉西園夜浩想北園

一作白雲

愁無因逐萍藻從爾泛清流





卅811.12
2342